

კონკურსი ტვირთის ლოჯისტიკის/ტრანსპორტირების სერვისის შესყიდვაზე

FSM-2025-01-10

სოლიდარობის ფონდი PL საქართველოში ეძებს კომპანიას, საქართველოს რეგიონებში (იმერეთი, გურია, რაჭა-ლეჩხუმი, ქვემო სვანეთი, შესაძლოა, კახეთი) ტვირთის ლოჯისტიკის/ტრანსპორტირების სერვისის შესყიდვის მიზნით.

სოფლის გაძლიერება ციფრული ჩართულობის გზით (REDI) არის ევროკავშირის მიერ დაფინანსებული პროექტი, რომელსაც „სოლიდარობის ფონდი ჰლ საქართველოში“ (SFPL in GEO) 2023 წლის 1-ლი დეკემბრიდან ახორციელებს ესტონელ პარტნიორთან - „e-Governance Academy“-თან (eGA) ერთად. REDI მიზნად ისახავს საქართველოს სოფლებსა და ქალაქებს შორის ციფრული უთანასწორობის შემცირებას კავშირგაბმულობის ინფრასტრუქტურის გაუმჯობესებისა და ციფრული წიგნიერების განვითარების გზით. პროექტის ფარგლებში, საქართველოს 200-მდე სოფელში საჯარო სივრცეებში განთავსდება ინტერნეტთან წვდომის წერტილები და შეიქმნება ციფრული სასოფლო ჰაბები.

მოთხოვნილი სერვისი: Wi-Fi წვდომის წერტილებისა და ციფრული სასოფლო ჰაბების განსათავსებლად საჭირო აღჭურვილობის (სატელეკომუნიკაციო ტექნიკა/მოწყობილობები, კომპიუტერული ტექნიკა, ავეჯი) ტრანსპორტირება საქართველოს რეგიონებში (იმერეთი, გურია, რაჭა-ლეჩხუმი, ქვემო სვანეთი, შესაძლოა, კახეთი). ტექნიკური აღჭურვილობის საერთაშორისო ტრანსპორტირების/გადაზიდვის შესაძლებლობა ჩაითვლება უპირატესობად.

1. დავალების შესრულების ადგილ(ებ)ი:

ხელშემკვრელი ორგანოს მიერ მითითებულ ლოკაციაზე.

2. დავალების ხანგრძლივობა:

მოთხოვნის საფუძველზე, 2025 წლის 31 დეკემბრამდე (ჩათვლით), გაგრძელების შესაძლებლობით, მხარეებს შორის გასაფორმებელი ხელშეკრულების პირობების დაცვით.

3. გასაწევ მომსახურებასთან დაკავშირებული მინიმალური მოთხოვნები:

3.1 Wi-Fi წვდომის წერტილებისა და ციფრული სასოფლო ჰაბების განსათავსებლად საჭირო აღჭურვილობის (სატელეკომუნიკაციო ტექნიკა/მოწყობილობები, კომპიუტერული ტექნიკა, ავეჯი) ტრანსპორტირების სერვისის, დამკვეთის მოთხოვნის შესაბამისად, მიწოდების შესაძლებლობა იმერეთის, გურიის, რაჭა-ლეჩხუმის, ქვემო სვანეთისა და შესაძლოა, კახეთის სოფლებში.

3.2 დამკვეთთან კომუნიკაციაზე პასუხისმგებელი, საკონტაქტო პირის გამოყოფის შესაძლებლობა.

3.3 დამკვეთის უზრუნველყოფის შესაძლებლობა ტვირთის ტრანსპორტირების რეალურ დროში მონიტორინგის სერვისით.

ის შეთავაზებები, რომლებიც არ აკმაყოფილებენ მოცემულ თავში ჩამოთვლილ მინიმალურ მოთხოვნებს, გამოეთიშებიან კონკურსს.

4. შეფასების კრიტერიუმი ყველაზე საუკეთესო წინადადების შესარჩევად (მაქს. 100 ქულა)

4.1 ტვირთის უსაფრთხო ტრანსპორტირების სახელშეკრულებო გარანტიები (მაქს. 20 ქულა)

(შეფასდება შემოთავაზებული სახელშეკრულებო გარანტიების დეტალური აღწერის მიხედვით)

4.2 ტვირთის ტრანსპორტირების რეალურ დროში მონიტორინგი (მაქს. 20 ქულა)

(შეფასდება ტვირთის ტრანსპორტირების რეალურ დროში მონიტორინგის შემოთავაზებული ფორმატისა და შესაძლებლობების დეტალური აღწერის მიხედვით)

4.3 ტექნიკური აღჭურვილობის საერთაშორისო ტრანსპორტირების/გადაზიდვის შესაძლებლობა, რომელიც ჩაითვლება უპირატესობად (მაქს. 10 ქულა)

4.4 მომსახურების ღირებულება (მაქს. 30 ქულა)

„მომსახურების ღირებულების“ კრიტერიუმით შეფასება მიემართება სავალდებულოდ და/ან დამატებით მოთხოვნილი მომსახურების ღირებულებას და დაეფუძნება შემდეგ ფორმულას:

$$P = P_{min} / P_{of} \times 30 \text{ ქულა}$$

სადაც:

P_{min} - ყველაზე დაბალი შემოთავაზებული ფასი

P_{of} – ფასი წარმოდგენილია შემოწმებულ შეთავაზებაში

P – ფასის კრიტერიუმით შემოწმებულ შეთავაზებაზე მინიჭებული ქულების რაოდენობა, დამრგვალებული სრულ რიცხვამდე.

ფასები წარმოდგენილი უნდა იყოს ლარში, დღგ-ს გარეშე და მოიცავდეს სერვისის გასაწევად საჭირო ყველა და ნებისმიერ ხარჯს.

4.5 გასაუბრება (მაქს. 20 ქულა)

*გასაუბრების პროცესში მოწვეულნი იქნებიან მხოლოდ შერჩეული აპლიკანტები.

5. ხელშეკრულ ორგანოსა და კონტრაქტორს შორის ანგარიშსწორება განხორციელდება ლარში, გამარჯვებულ აპლიკანტთან გაფორმებული ხელშეკრულების საფუძველზე.

6. მოთხოვნილი დოკუმენტაცია

6.1 **ფისკალური განაცხადი** შევსებული ქართულ და ინგლისურ ენებზე ([იხ. დანართი 1. ფისკალური განაცხადი](#)) ხელმოწერილი და დასკანერებული PDF ფორმატში.

6.2 **აპლიკაციის ფორმა** შევსებული ქართულ ან ინგლისურ ენაზე ([იხ. დანართი 2. აპლიკაციის ფორმა](#)) ხელმოწერილი და დასკანერებული PDF ფორმატში.

7. განაცხადის შეტანა

განაცხადი ტენდერში მონაწილეობაზე წარმოდგენილი უნდა იქნას მოთხოვნილი დოკუმენტაციის სრულყოფილად გამოგზავნის გზით, არაუგვიანეს 2025 წლის 5 თებერვლისა, თბილისის დროით 23:59 საათამდე, შემდეგ მისამართზე: redi@solidarityfund.pl

კითხვები ტენდერთან დაკავშირებით შეგიძლიათ მოგვწეროთ მისამართზე redi@solidarityfund.pl საბოლოო ვადის გასვლამდე.

8. ხელშემკვრელი ორგანო არ მიიღებს ტენდერის წარდგენის ვადის გასვლის შემდეგ წარმოდგენილ სატენდერო დოკუმენტაციას/კითხვას.

9. პროცედურის შედეგის შესახებ ინფორმაცია გაიგზავნება განმცხადებლის მიერ მითითებულ ელ. ფოსტაზე და გამოქვეყნდება Solidarity Fund PL_GEO Facebook გვერდსა <https://www.facebook.com/solidarityfund.ge> და <https://participatoryhub.ge/> -ზე.

გთხოვთ გაითვალისწინოთ, რომ განაცხადის შეტანით თქვენ თანახმა ხართ გაუზიაროთ განაცხადის შინაარსი სხვა განმცხადებლებს, (გარდა პერსონალური მონაცემებისა, რომლებიც ანონიმური იქნება) რომლებსაც შეუძლიათ შესაბამისი მოთხოვნის გაგზავნა SFPL -ში.

10. შერჩეულ კონტრაქტორთან/კონტრაქტორებთან გაფორმდება ხელშეკრულება.

11. კონტრაქტორ(ებ)ს, რომლის ტენდერიც ჩაითვლება ყველაზე უპირატესად, იქნება ინფორმირებული ხელშემკვრელ ორგანოს მიერ ხელშეკრულების გაფორმების ადგილისა და თარიღის შესახებ.

12. ხელშეკრულების გაფორმებამდე კონტრაქტორი ვალდებულია უზრუნველყოს ყველა საჭირო ინფორმაცია ხელშეკრულების შინაარსის შესავსებად, ხელშემკვრელ ორგანოს მოთხოვნით.

13. თუ ეკონომიკური ოპერატორ(ებ)ი, რომლის სატენდერო წინადადება ჩაითვალა ყველაზე უპირატესად, თავს აარიდებს ხელშეკრულების დადებას, ხელშემკვრელ ორგანოს შეუძლია ხელახლა განიხილოს და შეაფასოს ტენდერის შედეგი დარჩენილი ეკონომიკური ოპერატორების შემოთავაზებებიდან ან გააუქმოს პროცედურა.

14. ეკონომიკური ოპერატორის წარმომადგენლმა პირებმა ხელშეკრულების გაფორმებისას უნდა წარმოადგინონ ეკონომიკური ოპერატორის წარმომადგენლობის უფლებამოსილების დამადასტურებელი დოკუმენტები, თუ ასეთი ავტორიზაცია არ დასტურდება ტენდერის თანდართული დოკუმენტებიდან.

15. სოლიდარობის ფონდი პლ უზრუნველყოფს თანაბარ შესაძლებლობებს, სამართლიან და კანონიერ მოპყრობას დასაქმების პროცესში რასის, ფერის, რელიგიის, სქესის, ეროვნული წარმომავლობის, ასაკის, შეზღუდული შესაძლებლობების, პოლიტიკური კუთვნილების, ოჯახური მდგომარეობის, დაცული გენეტიკური ინფორმაციის ან სექსუალური ორიენტაციის მიუხედავად.

16. გთხოვთ გაითვალისწინოთ, რომ წარდგენილ განაცხადებში მოცემული პერსონალური მონაცემების ადმინისტრატორია სოლიდარობის ფონდი PL, რომლის სათაო ოფისი მდებარეობს ვარშავაში, ქუჩა Mysłowicka 4, 01-612 ვარშავა. მონაცემები დამუშავდება მე-6 მუხლის 1 გ პუნქტის

საფუძველზე პერსონალური მონაცემების დაცვის პოლონეთის კანონის შესახებ სახელმწიფო შესყიდვების პროცედურასთან დაკავშირებული მიზნებისათვის. თქვენ გაქვთ მოწოდებულ პერსონალურ მონაცემებზე წვდომის უფლება, პერსონალური მონაცემების გასწორების უფლება და უფლება მოსთხოვოთ ადმინისტრატორს პერსონალური მონაცემების დამუშავების შეზღუდვა, რომელიც ექვემდებარება კანონის 18 მუხლის მე-2 პუნქტით გათვალისწინებულ შემთხვევებს. თქვენ გაქვთ უფლება, საჩივრით მიმართოთ პერსონალურ მონაცემთა დაცვის ოფისის პრეზიდენტს. მონაცემთა მაკონტროლებელი არის სოლიდარობის ფონდი PL საქართველოში, ჭავჭავაძის გამზირი 20, ბინა #3, სართული 2, 0179 თბილისი, საქართველო. თქვენი უფლებებით სარგებლობისათვის, გთხოვთ, დაუკავშირდეთ SFPL-ს საქართველოში პირდაპირ მისამართზე georgiarep@solidarityfund.pl – ჩვენ მზად ვართ დავიცვათ თქვენი უფლებები ჩვენი შესაძლებლობის ფარგლებში.